

Шундан сўнг МЧЖ раҳбари Ҳаётжон Қурбонов улгуржи ва чакана савдони кенг йўлга қўяди. Қисқа фурсатда салкам 2 млрд. 630,5 млн. сўмлик дебет ва 2 млрд. 630,7 млн. сўмлик кредит айланмаларини амалга оширади.

2 бет

Зилола бир ўзи уларга қарши ҳеч нарса қилолмаслигини сезиб, мурося йўлга ўтди. Эндигина ҳеч кимга мурожаат қилмаганини айтмоқчи бўлган эди, "опа-сингил"ларнинг ёнидаги аёл гапга қўшилди.

8 бет

Mustaqillik huquq demakdir



1997-yil 27-avgustdan chiqa boshlagan www.huquq-gazeta.uz 2011-yil 3-fevral, №05 (734)



Алишер Навоий таваллудининг 570 йиллигига

Ўхшатишса ёмонми?! У зотнинг ижодларига мурожаат этган инсон сира кам бўлмаган. Навоийни билмаган, тушунмаганлар кулгу қилса қилар. Ундан кўра мана бу газалларини эшитинг-а, у киши нима демоқчилар?!
Сўнгра тоқчага тартиб билан териб қўйилган шоирнинг девонлари ичига шўнгирдилар. Яқинда уйга борсам, укамнинг беш-олти ёшли ўғилчаси рубоий айтиб юрибди:
Жонни фидо айла ато бошига,
Жисми қил садқа ано қошига.
Тун-қунингни айлагали нури-фаш,
Бирисин ой англа, бирисин қуёш.
Ич-ичимдан орзиқиб кетдим! "Пенсияга чиқиб ҳам тек ўтирмай, набиралари билан "Навоийхонлик" қиялтилар экан-да!"
Овқат чоғи гап айланиб, бугунги ёшлар ва

Миллатнинг фахру ифтихори

Дадам 35 йил мактабда ўзбек тили ва адабиёти фанидан ўқувчиларга сабоқ берганлар. Эсимни танибманки, у киши кунда ҳеч бўлмаганда бир марта Навоий байтларидан ёд ўқишни хуш кўрардилар. Мактабда ҳам "Навоийхонлик" кечаларини кўп ўтказаверганлари боис зимдан ўқувчиларнинг дадамни кўрганда: "Ана, Навоий домла келяпти!", деган гапларини эшитиб қолсам, уйга келгач, у кишига ялинардим:
— Жон дадажон! Энди Навоий кечаси ўтказманг! Сизни ҳамма "Навоий домла" дея кулгу қиялпти...
Дадам беозор қулиб кўярди:
— Қўяверинг, қизим! Навоий ҳазратларига

маънавият масалаларига бориб тақалгач, дадам яна куюниб қолдилар:
— Ёшлар Навоийни ўқимай қўйди! Мана, яқинда бир манбадан ўқиб қолдим. Унда айтилишича, Навоий ҳазратлари "Муҳокамат ул-луғатайн" асарида "Ва турк элида ажлоф (ўқиманган, оми, нодон ва содда эл сорддин (форси-забонлардан) зийёдадур" дея асарларининг ўз қавмлари орасида қандай ўқилиши-ю, қай тариха талкин этилиши ҳақида қайғурган. Аслида қуёш нурини ҳеч ким тўсиб қололмайди ёки бирор кимса ойни мис товоққа қўё этолмайди.
Чун хавос олдида гиromийдур,
Не деса гам йўқ, улки омийдур.
/Давоми 4-бетда/

Ҳамкорликдаги тадбир

2010 йилнинг 12 ноябрида Ўзбекистон Республикаси Олий Мажлиси Қонунчилик палатаси ва Сенатининг қўша мажлисида Президентимиз Ислоҳ Каримов "Мамлакатимизда демократик ислохотларни янада чуқурлаштириш ва фуқаролик жамиятини ривожлантириш Концепцияси" номли маърузасида "Жамиятнинг демократия йўлидан жадал ривожланиши ва бу борада амалга оширилаётган ислохотларнинг муваффақияти кўп жиҳатдан одамларнинг ҳуқуқий онги ва ҳуқуқий маданият даражасига боғлиқдир. Юксак ҳуқуқий маданият — демократик жамият пойдевори ва ҳуқуқий тизимнинг етуклик кўрсаткичидир.
Шу муносабат билан, бугунги сиёсий-ҳуқуқий воқеликни ҳисобга олган ҳолда, мамлакатимизда ҳуқуқий таълим ва маърифатни, жамиятда ҳуқуқий билимлар тарғиб-тинглатиш тубдан яхшилашга йўналтирилган мақсадли кенг қўламли чора-тадбирлар дастурини ишлаг чикши зарур. Ушбу дастурнинг амалга оширилиши аҳолининг инсон ҳуқуқ ва эркинликларига нис-

батан ҳурмат билан муносабатда бўлишни, фуқароларда қонунга итоаткорлик туйғусининг янада ортишини таъминлайди, деб ўйлайман", дея таъкидлаган эди.
Президентимиз маърузасида келтирилган талаблар ва ундан келиб чиқувчи вазифалар мазмун-моҳиятини ёшларга тушунтириш мақсадида Тошкент шаҳар прокуратураси ташаббуси билан 1-Республика Тиббиёт коллежида прокуратура, адлия, ички ишлар органлари, ўрта махсус касб-хунар таълими бошқармаси ва "Камолот" ёшлар ижтимоий ҳаракати билан ҳамкорликда тадбир ўтказилди. Тадбирни Тошкент шаҳар прокуратураси бўлим бошлиғи О.Раимов кириш сўзи билан очди. Шунингдек, тадбирда Тошкент шаҳар прокуратураси бўлим катта прокурори А.Донаевнинг маърузаси тингланди.
Тадбирда Тошкент шаҳар ИИББ ҳуқуқбузарликнинг олдини олиш бошқармаси бошлиғи Б.Эгамбердиев, "Камолот" ёшлар ижтимоий ҳаракати Тошкент шаҳар кенгаши раиси М.Асамов, Тошкент ша-

ҳар Ўрта махсус касб-хунар таълими бошқармаси бошлиғи ўринбосари Б.Дадабоев ва Тошкент шаҳар адлия бошқармаси масъул ходими А.Бердиевлар иштирок этишди.
Учрашувда сўзга чиққанлар Президентимиз томонидан илгари сурилган концепциянинг моҳиятини ёшлар ўртасида кенг тарғиб қилиш мақсадда демократик ислохотлар самарадорлигини оширишда муҳим аҳамиятга эга эканлигини таъкидлашди.
Тадбир иштирокчилари томонидан концепцияни амалга жорий этиш давлат ҳокимиятининг ижро ва вакиллик органларининг самарали ишларини ташкил этишда, фуқаролик жамияти ва оммавий ахборот воситалари эркинлигини таъминлашда, суд-ҳуқуқ тизимини ислоҳ этишда, болзор ислохотларини ривожлантириш ва мамлакатнинг иқтисодий ривожланишида муҳим мезон бўлиб хизмат қилиши эътироф этилди.

Лола ШОМУРОВА,
Тошкент шаҳар прокурорининг катта ёрдамчиси

/Давоми 3-бетда/

Ижтимоий-иқтисодий барқарорлик таянчи

Мустақиллик йилларида мулкдорлар қатлами шакллантириш давлатимизнинг доимий эътиборида бўлиб келди. Конституциямиз ва қонунларимизда хусусий мулк ҳуқуқи мустаҳкамлаб қўйилди. Шу асосда эркин тадбиркорлик фаолияти учун зарур иқтисодий ва ҳуқуқий шарт-шароитлар яратилди. Бугунги кунга келиб, кичик бизнес ва хусусий тадбиркорлик жадал ривожланиш йўлига ўтди. Президентимиз Ислоҳ Каримовнинг Ўзбекистон Республикаси Конституциясининг 18 йиллигига бағишланган тантанали маросимдаги маърузасида таъкидланганидек, "...кичик бизнес ва хусусий тадбиркорлик бугунги кунда жамиятимиздаги ижтимоий ва сиёсий барқарорликнинг кафолати ва таянчига, юртимизни тараққиёт йўлидан фаол ҳаракатлантирадиган кучга айланиб бормоқда". Шуниси эътиборлики, кичик бизнес ва хусусий тадбиркорлик бозорларимизни рақобатбардос ва сифатли маҳсулотлар билан тўлдиршда, аҳолини иш билан таъминлашда, халқимизнинг турмуш шароитларини оширишда ҳал қилувчи омил бўлмоқда. Кейинги йилларда давлатимиз томонидан бу соҳани ривожлантиришга, унга кўмаклашишга, ҳар жиҳатдан рағбатлантиришга, имтиёз ва преференциялар беришга катта аҳамият берилмоқда. Тадбиркор ва ишбилармонларнинг ҳуқуқ ва манфаатларини таъминлаш эса прокуратура органларининг назоратида олинган.

Навоий вилоят прокуратураси органлари томонидан ҳам тадбиркорлик субъектларини қўллаб-қувватлаш, текширишларни янада қисқартириш, улар тақдим этилган ҳисобот тизимини такомиллаштиришга доир Президент Фармонлари ва Қарорлари ижросининг таъминланиши юзасидан мунтазам равишда назорат тадбирлари ўтказилиб келинмоқда. 2011 йилнинг 1 январь ҳолатига бўлган натижаларга назар ташлайдиган бўлсак, вилоят ҳудудида жами 14915 та тадбиркорлик субъекти фаолият кўрсатаяпти, шундан 13102 тасини микрофирма ва кичик корхоналар ташкил қилади.

Ўтган йил вилоят прокуратураси органларининг аралашуви билан тижорат банкларида 36 нафар тадбиркорга 438 млн. 280 минг сўм миқдоридаги кредитлар ва 90 нафар тадбиркорга 114 млн. 155 минг сўм миқдорда нақд пул олиб берилиши таъминланди. 16 нафар фуқаронинг тадбиркорлик фаолиятини бошлаши учун рўйхатдан ўтиши ва гувоҳнома олишида амалий ёрдам кўрсатилиб, жами 142 нафар тадбиркорнинг ҳуқуқлари тикланди.

Ўтказилган назорат тадбирлари давомида туман ва шаҳар ҳокимликлари томонидан фуқароларнинг ва тадбиркорлик субъектларининг савдо объектилари қурилишига ер ажратиш ёки қурилиши تامомланган объектларга эғалик ҳуқуқини бериш тўғрисидаги ариза ва мурожаатларини қўриб чиқишда Ўзбекистон Республикасининг "Фуқароларнинг мурожаатлари тўғрисида"ги Қонуни талаблари бузилишига йўл қўйилиб, уларнинг тадбиркорлик фаолиятини бошлашига тўсиқ бўлаётганиги аниқланди.

Котимех туманида яшовчи фуқаро Т.Саламовнинг туман музейи ёнидан ажратилган ерга дўкон қуриш учун рухсат беришни сўраб ёзган аризаси туман ҳокимлиги девонхонасида 2010 йил 3 июнда рўйхатда олинди, қўриб чиқиш учун туман меъмури Д.Хайруллаевга топширилган. Орадан 1 ой-у 3 кун ўтиб, аризага савдо дўкони қурилиши учун ер майдони ажратилганлиги тўғрисидаги бирламчи рухсат беришчи ва шаҳарозлик ҳужжатларини туман комиссияга тақдим этилгандан кейин ушбу масала туман комиссиясида қўриб чиқилиши мазмунида жавоб хати йўлланган.

/Давоми 3-бетда/

Обуна - 2011

Хурматли юртдошлар!

2011 йилда ҳам "HUQUQ" газетаси Сизнинг энг яқин ҳамкорингиз бўлиб қолади. Газетамизга барча почта бўлимларида обуна бўлишингиз мумкин.

ОБУНА ДАВОМ ЭТМОҚДА!

НАШР ИНДЕКСИ — 231



Ҳимоя яна пана берди



Мақсудали ҚАМБАРОВ, журналист

Йирик ҳисобдаги мағлубиятдан сўнг мухлисларнинг кайфияти тушиб кетгани бор гап. Биз-ку мухлис сифатида шундай тушунликка тушиб қолдик. Энди, ҳаммининг кўз ўнгига ўз дарвозаларидан жавобсиз 6 та тўп ўтказиб юборган терма жамоамиз футболчиларининг қай аҳволга тушганини бир тасаввур қилиб кўринг-а! Олдинда эса, уларнинг учинчи ўрин учун бўладиган баҳс кутиб турарди. 28 январь кун футболчиларимиздан тушунликни енгиб, ғалаба иштиёқда майдонда тушиб талаб этиларди. Мақсад учинчи ўринни қўлга киритиб, 2015 йилда яшил қитъада ўтказиладиган Осиё кубогида тўғридан-тўғри иштирок этиши ҳуқуқини қўлга киритиш эмас, аксинча, ярим финалдаги аламли мағлубиятнинг тасодифий эканлигини исботлаш зарур эди.

Учрашувни терма жамоамиз аъзолари тезкорлик билан бошлади. Аммо қарши ҳужумда ҳаракатланаётган корейсларнинг ҳужумлари хавфлироқ кўриниш олди. Одил Аҳмедов жамоадосидан қайтган тўпни қабул қилиш жараёнида қўпол хатога йўл қўйди. Тўп унинг оёқлари остидан ўтиб кетди. Корейлик футболчилар бундай имкониятни кўкка совурадиғанлар тоифасидан эмас. Улар жамоа-

мизни хато учун муносиб жазолашди. Игнатий Нестеров ҳам бирга-бир ҳолатда тўпнинг йўлига ғов бўла олмади. Иккинчи голда эса рақиблар ҳимоячиларимизни жуда осонлик билан доғда қолдиришди. Жанубий корейликлар томонидан дарвозамизга киритилган учинчи гол ҳам ҳимоячиларимиз айбни ўз бўйлиларига олишса бўлади. Карпенко ҳаводан келаятган тўпга чиқишда рақибга имкониятни бой берди ва натижада дарвозамиз учинчи марта ишғол қилинди. Дарвозамизга кетма-кет учта тўп киритилганидан сўнг чинакамига хавотирга туша бошладик. Наҳотки, бу сафар ҳам йирик ҳисобда мағлубиятга учрасак? Ахир Австралия терма жамоаси аъзолари ҳам биринчи бўлимда икки марта дарвозамизни ишғол қилишганди, холос. Уйининг бу тақдид бориши чинакамига хавотирли эди.

Жамоада қийин вазиятда бор масъулиятни ўз зиммасига оладиган футболчил бўлса, жамоадосларини ғалаба сари етаклай олади. Бу ишни Александр Гейнрих ўз зимма-

сига олди. Ҳа, икки марта пенальти тепилган вазиятни эсланг! Ҳакам рақибларимиздан бири жарима майдонига кириб бораётган Олим Навкарровни ушлаб қолганлиги учун 11 метрлик жарима зарбаси белгилади. Агар пенальтидан гол урилса, курашни охиригача давом эттириш имконияти пайдо бўларди. Албатта, бу ерда хато қилиш мумкин эмас. Ким ҳам хато қилишни истайдиган дейсиз. Хар қандай футболчи ҳам бу каби мураккаб ҳолатда масъулиятни зиммасига олишга иккиланади. Гейнрих эса бор жавобгарлиқни бўйнига олиб, пенальтни амалга оширишга ақинлашди. Аввалига охира зарба билан дарвозани ишғол этди. Аммо учрашув ҳақами пенальти тепилаётган пайтда футболчиларимиздан бири жарима майдонига кириб кетганлиги сабабли, пенальтини қайтадан амалга ошириш кераклигини билдирди. Масъулият икки қарра ошди. Яхшиямки, ҳужумчимиз иккинчи зарба ҳам адошмади. Айнан шу гол кураш охиригача давом этишини аналтатар эди.

Журналнинг янги сони

Ҳуқуқий тафаккур минбари

"HUQUQ va BURCH" ijtimoий-ҳуқуқий журналнинг 2011 йил 1-сонини нашрланади. Унгаги мақолаларга асосан мамлакатимизда амалга оширилаётган ижтимоий-сиёсий, социал-иқтисодий соҳаларгаги ислохотлар, уларнинг фуқароларимиз ҳаётини тугатган ўрни ҳақида сўз боради.

Дастлабки саҳифаларда Ўзбекистон Республикаси Бош прокурори Рашидjon Қодировнинг "Мамлакатнинг ислох этиш ва демократлаштириш жараёни ортага қайтмайди" номли мақоласи эълон қилинган. "Қонун моҳияти" рункида эса Олий Мажлис Сенатининг IV ялпи мажлисида маъқулланган "Фуқароларнинг давлат пенсия таъминоти тўғрисида"ги Ўзбекистон Республикаси Қонунига ҳамда Ўзбекистон Республикасининг Меҳнат кодексига ўзгартиш ва қўшимчалар киритиш ҳақида"ги ҳамда "Риэлторлик фаолияти тўғрисида"ги Қонунларга шарҳ берилган.

Юридик фанлар доктори, профессор Шўҳрат Рузиназаровнинг "Тадбиркорлик субъектларининг ҳуқуқий мақоми", Муҳаммад Куроновнинг "Тадбиркорлик - фаровонлик шарт" номли мақолаларида мамлакатимизда тадбиркорлик фаолиятини ривожлантириш борасида амалга оширилаётган ис-

лохотлар ҳақида фикр-мулоҳаза юритилади.

Маълумки, ҳозирги пайтда судларда кўрилатган фуқаролик ишлари ичида уй-жойга оид низолар кўпчиликни ташкил этади. Шунинг ҳисобига олган ҳолда, "Уй-жой билан боғлиқ муаммога дуч келдингиз..." номли давра суҳбатига ТДЮИ кафедраси мудири Замира Эсанова, Ўзбекистон Республикаси Президенти ҳузуридидаги Амалдаги қонун ҳужжатлари мониторинги институти гуруҳи раҳбари Музаффарjon Мамасиддиқов, фуқаролик ишлари бўйича Тошкент вилоят судининг раиси Файзулла Абдуазимовларнинг маззуга оид қарашлари баён этилган.

Тарих фанлари доктори Мирсодик Исоқовнинг ушбу сонда эълон қилинган "Никоҳ шартномалари... янгликми?" сарлавхали мақоласида Зарафшон дарёсининг юқори оқимидаги Муғ қалъаси харобаларидан топилган, илк ўрта асрларга оид никоҳ битими, шунингдек, Суд департаментининг бошқарма бошлиги Зафар Тўхтабоевнинг "Мажбурий ижро органлари тизими" номли мақоласида

Германия суд-ҳуқуқ тизими билан боғлиқ маълумотлар берилган. "Таджиқот, тахлиф, тақлиф" рункидаги мақолаларда эса ёш ҳуқуқшуносларнинг тадқиқотлари эълон қилинган.

Маъмурjon ПАРПИЕВ

Ишонч телефонлари

Маҳаллий давлат ҳокимиёти, назорат қилувчи ва лицензия берувчи органлар томонидан тадбиркорлик субъектларига рухсатномалар бериш, тадбиркорлик фаолиятини ташкил этиш, қурилишга рухсат бериш, кадастр орқали расмийлаштириш ва бинолар ижараси учун тўлов миқдорини белгилашда қонунбузулиш, бюрократик тўсиқликлар ва сансалорликларга йўл қўйилган тақдирда, Сиз тадбиркорлар ўз ҳуқуқларингизни ҳимоя қилиш учун Тошкент шаҳар прокуратураси ва туман прокуратураларининг қўйидаги "Ишонч телефони" рақамларига ёки "007" қисқа рақамига қўнғироқ қилишингиз мумкин.

(273-алқа телефон тармоғида таъмирлаш ишлари олиб борилаётганлиги сабабли, шаҳар прокуратурасининг айрим телефон рақамлари 271-алқа телефон тармоғига ўтказилди).

№	Прокуратура органлари	Ишонч телефонлари
1	Тошкент шаҳар прокуратураси	007 271-12-26, 277-10-11
2	Бектемир туман прокуратураси	295-02-81
3	Миробод туман прокуратураси	215-66-56
4	Мирзо Улугбек туман прокуратураси	267-68-38
5	Олмасор туман прокуратураси	248-84-14
6	Сергели туман прокуратураси	258-67-10
7	Учтепа туман прокуратураси	271-52-00
8	Ҳамза туман прокуратураси	289-58-20
9	Чилонзор туман прокуратураси	277-91-62
10	Шайхонтоҳур туман прокуратураси	249-61-01
11	Юнусобод туман прокуратураси	235-25-36
12	Яккасарой туман прокуратураси	250-03-94

Сизнинг ҳуқуқ ва қонуний манфаатларингиз тезкорлик билан ҳимоя қилиниши таъминланади.

Тошкент шаҳар прокуратураси

Huquq
yuridik gazeta

Muassis:
Ўзбекистон
Respublikasi
Баш
прокуратураси

Bosh muharrir:
Jahongir MAKUMOV

Tahrir hay'ati:
Abbosxon SANGINOV, Muxtor ZOIROV,
Gulnoza RAHIMOVA, Yusupboy GO'POV,
Svetlana ORTIQOVA,
Baxtiyor NAZAROV (Bosh muharrir o'rinbosari),
Shavkat YODGOROV (mas'ul kotib)

Tahririyat manzili:
Toshkent shahri, Yahyo G'ulomov ko'chasi, 66-uy.

Telefon: 233-98-40,
233-10-53.

Faks: 233-64-85, 233-10-53.

E-mail: info@huquq-gazeta.uz

Tahriryatga kelgan qo'lyozmalar taqiriz qilinmaydi va ulariga qaytarilmaydi. Muallif fikri tahriryat nuqtai nazaridan farqlanishi mumkin.

«HUQUQ» materialarini ko' chibir bosish faqat tahriryat ruxsati bilan amalga oshiriladi.

□ - tijorat materiali.
□ Reklama materiallarining mazmuni uchun tahriryat javobgar emas.

Buyurtma j-1038. 32 388 nusxada bosildi. Gazeta tahriryat kompyuter bazasida teriladi va sahifalandi. «HUQUQ» original maketi.

Sahifalovchi: S.BOBOJONOV
Nabatchi muharrir: G. ALIMOV
Nabatchi: O. DEHQONOV

Gazeta «O'zbekiston» nashriyat matbaa ijodiy uyida chop etildi. Korxonaning manzili: Toshkent shahar, Alisher Navoiy ko'chasi, 30-uy.

Bosmaxonaga topshirish vaqti: 22.00. Tepshirildi: 20.00 1 2 3 4 5 6 7 8 9

Gazeta haftaning payshanba kunlari chiqadi.

Sotuvda kelishilgan narxda